

遼寧府縣志輯

三
遼寧地方志集成

民國綏中縣志

民國朝陽縣志

乾隆塔子溝紀略

朝陽縣志序

郡縣之有志以其有關於名教有裨於政治故累朝相沿或創製或增脩至前清之季自通邑大都以及下州小縣靡不有志獨熱河所屬各縣多付闕如朝陽即其一也朝陽僻處熱區東北隅又漢蒙雜居文化之開自應較晚然自清乾隆中葉設治遙遙已將二百年志乘

朝陽縣志序

一

未有成書以至山川之雄傑物產之豐饒寺觀古蹟之遺留與夫都人士之忠孝節義潛德幽光舉無不表彰而闡發識者每深慨之民國十八年予來長曼縣適值省政府令催各縣增脩縣志已歷二年前縣長項揚二公歷經選任士紳分途採訪特以設局編纂經費無出尚輟於半途予蒞茲土適當其衝責無

旁貸乃亟為籌經費二千圓延聘邑中

知名之士剋期開局纂脩四閱月而書成予忝任監脩之責因案牘紛繁未得躬親參校不勝抱歉惟以朝陽設治幾二百年而志乘之成不自我先不自我後而予適逢其會為地方幸竊不禁自為幸也是為序
民國十八年歲次己巳九月朝陽縣縣長

朝陽縣志序

二

周鐵錚撰

周鐵錚撰

朝陽縣志序

縣之有志與國之有史同惟國史例成於代讞之後而縣志則無時不可以創脩且無時不可以增脩如內地文明各縣前代久有成書厥後或閱數十季而增脩或閱百餘季而續脩故其山川之鍾毓人物之傳流政治之隆污風俗之興替與夫仕宦學校之盛衰物產古蹟

朝陽縣志

序

一

之豐備胥能於開卷時一覽而知非徒可以啓後人之觀感抑且可以資為治之模範縣之有志非細故也惟我朝陽僻處東極遠益以漢蒙雜處故自設治迄今幾二百季而縣志尚未脩定雖於承德府志內畧見一斑然惟建置沿革於朝陽攷據精詳其他門類記載寥寥且以距府寫遠採訪亦多其實至本

縣明達官長如慶健侯陳海三皆曾倡議纂脩均以匪氛不靖而未得實行惟

光緒二年縣令湯補臣毅然招集紳衿十餘人發冊採訪並聘任邑先達孫璧翁党鸞翁與詩家伯蒞局編纂自四月至六月已將告竣而湯公卸事去繼任者漫不為意且停發經費以致半途而廢時已繕成清稿十數冊未纂者僅餘

朝陽縣志

序

二

十分之二孫党二公以家伯去城較近諉託帶回家中以備補脩後家伯於課授之暇即補行編纂又越一季而始完成延至光緒十八季前邑令慶健侯已升知府奉委直隸全省志書局總辦聞朝陽縣志脩成眷念舊治知必無力開雕來函令由馬遞寄省將代為鑄板印行不意寄到甫月餘而慶太守捐館累

次索還竟不可得嗟乎縣志之難成至
於如此家伯終身不勝懊悔今幸議脩
縣志蒙 周縣長聘詩為纂脩百維學
疎才淺益以昏耄何能勝此鉅任惟念
老輩寥寥如景皇碩果未敢固辭且因
憶光緒初年脩志時年方十四歲家
伯時命繕清每以書寫訛字被責絕不
料五十餘年後重大責任竟委及當年

朝陽縣志

序

三

童子滄桑之感時為泚泚今幸賴趙君
籲三揚君輯五高君明卿羣力分纂得
成是書詩所最幸者可告慰先伯父之
靈耳若其纂脩體例諸多未備於不過
創脩之藍本尚望繼起明達有以糾正
之則幸甚矣

民國十八年歲次己巳九月杪沈鳴詩序

朝陽縣志序

攷之史冊朝陽在商周為孤竹國秦漢
則屬於遼西居今稽古採薇緬首陽之
蹤征夫繞春閨之夢此文人詞咏何關
紀載而有明復割棄三衛擯諸化外雁
塞無聲燕雲寡色異域蕪絕者垂三百
餘年矣然而深山大澤往往生龍蛇產
蘭蕙不以時地限之者理也况徵之沿

朝陽縣志

序

一

革古昌黎營州柳城龍城各重鎮皆當
朝境歷魏晉隋唐以迄遼金恒有貴族
霸主割據稱雄其間將相賢豪文武材
略人才蔚起無代無之惜自宋元而下
載紀闕如清室道光中葉知府海公靖
堂始踵熱河志纂承德府志一書朝陽
得連類及之惜僅見一斑未窺全豹山
川人物略有採入猶多未翔實而專書

朝陽縣志序

朝陽設治將二百年想滿清定鼎之初非無事蹟可考但以地屬蒙部文獻無徵即史冊稍有記載亦不過東鱗西爪管中窺豹而已洎乾隆初年設官先廳後縣主治有人景運聿新人文蔚起舉凡山川物產寺觀橋梁以及因革損益之事忠孝節義之人罔不實繁有徒班

朝陽縣志序

一

班可考然終以記載無人不能傳今而信後良可慨也民國紀元前三十六年宰斯邑者為湯公補臣湖南名孝廉也為振興文化起見建築考棚十間又禮聘通儒纂修朝陽縣志當時若沈紫圃若党鸞鄉若孫璧臣諸前輩皆應聘而來贊襄盛事稿已脫而印刷未成驟遭捐棄廣陵散自此絕矣又閱五十餘年

項揚二縣長前後繼續提倡因無底款

可籌事又中寢今歲春縣長周公蒞任

百廢俱興而於志書一事尤殷殷致意

慨捐鶴俸潤色鴻猷採訪令專員筆削

聘主任四閱月而告成成二百年未有

之書洵盛舉也瑞職司叅校不勝悚惶

然以致仕之年猶充濫竽之數何榮幸

如之惟回憶諸前輩纂修之日筆花墨

朝陽縣志序

二

雨猶彷彿記之曾幾何時已不勝續貂之感云

民國十八年歲次己巳九月穀旦楊瑞序

朝陽縣志序

周禮外史掌方志前漢書分十志是綜括全書曰史分載標目曰志要皆為紀錄之書備考鑑之資者也朝陽屬古遼西當秦漢幽州東部晉惠而後淪沒於慕容燕及石晉賂契丹割燕雲十六州此地當在其內宋元而後蒙古割據間有漢族多自齊晉遷來其秀者迂緩尚

朝陽縣志序

一
儒其樸者勤勞力穡故山川土田靈秀深厚之所鍾雖地處邊隅風化晚開然古塔遺塚斷碑殘壘於景色蒼涼中追思歷代賢豪文學功業焜耀史冊導源肇矩於其先故當代世宦鄉賢文治武功膠庠閨閫耆壽節義之行待人表彰闡發者踵接於後猶不讓古人專美於前至田賦稅課鹽酤貨殖五金百產胥

覘地方殷富之象尤徵民庶生聚之繁

帶礪山河屏蔽遼碣實口外一大名區

不可以蒙疆部落歧視也惜自魏晉及

明載籍闕如洎清建官設治與內地無

除垂二百餘年文獻亦復寥落長白海

公來守是邦始撰承德府志而於朝陽

見聞異詞多未徵實若縣志之權輿自

湯補臣邑侯始招致邑紳孫公璧臣沈

朝陽縣志序

二

公紫圃党公鸞卿等纂修脫稿旋遭摧

廢繼是王太守恩溥暨項楊兩大令均

困於經濟有志未逮民國建元十八年

周公希甫蒞治是邦下車首問志乘如

朱紫陽守南康故事以矜重文教遂慨

捐鶴俸用就鴻編既鈔金匱石室之遺

廼博蒐乘輜軒之採開局纂輯發揚藻

采分門別類集萃簡編四閱月告成建

齊不學無文躬逢其盛廁身參校附驥
 名顯何幸如之雖抱簡奮筆自愧無能
 為役然藉此發春秋擣杵之例使後之
 考風土者資為掌故潤色發皇當未有
 艾也是為序

民國十八年己巳九月杪高建齊撰

朝陽縣志

序

三

例言

- 一 仿史例凡其人生存者雖至德奇行概不列傳
- 一 其人科名列於選舉官職列於仕宦者不另列傳
- 一 懼其複也
- 一 登載有與採訪冊不符者因各冊所採彼此互異
- 一 故選取實在以登之並非意為變更
- 一 藝文凡作者生存例不登錄惟節烈傳記或廟祠
- 一 碑文或德政異行碑記則借其文以徵實可傳之
- 一 人與事亦間有登者

朝陽縣志

例言

一

朝陽縣志銜名

監修

朝陽縣縣長周鐵錚

纂修

舉人孝廉方正歷任河南廣東各省知縣孫慶璋

舉人第一屆國會議員歷任本縣知事沈鳴詩

舉人薦任職補用趙俊儒

參校

生員楊瑞

朝陽縣志

銜名

一

教育局局長高建齊

繪圖

高等工業學校畢業中學校校長呂善著

採訪

生員唐鎰

教育會會長王培棠

生員潘祖源

生員李士林

儒士潘士俊

生員于林芳

師範畢業生原鳳樓

儒士龐文翰

生員張廣譽

萬國道德會朝陽分會會長高宗明

儒士劉雲卿

生員孫廷楷

大學畢業生崔文顯

紅十字會長陳玉山

朝陽縣志

銜名

二

生員李松年

生員于建章

中學畢業生孫樹樾

中學畢業生陶樂

查員郭保唐

查員賀鴻儒

查員孫廷材

師範畢業生穆風清

生員陳奉璋

儒 卷十八 士譚琛

儒 卷十九 士程志鵬

文牘 十

中 學 畢業 生李瑞霖

庶務 十

自 山 川 治 畢業 生于廷傑

繕書 十

中 山 川 學 畢業 生裴文奎

中 山 川 學 畢業 生王殿傑

朝陽縣志 街名 三

中 山 川 學 修 業 生楊昌齡

中 山 川 學 修 業 生姚光先

中 山 川 學 修 業 生牟中午

書序題籤

中 山 川 學 修 業 生溫煦

校對監印

儒 士賈萬清

朝陽縣志目錄

卷一

圖說 十六

卷二

畧度 十六

卷三

建置 二十四

卷四

疆域 二十三

朝陽縣志 目錄 一

卷五

公署 二十二

卷六

廟祠 二十一

卷七

寺觀 二十

卷八

寺觀 二十

卷九

秀氣所鍾每逢霧帽其上必零靈雨附近人以此卜陰晴歷驗不爽山頂有片瓦殘磚並非畦水井相傳遼人曾駐兵焉

小孤山 在大孤山之北相距十餘里高度雖遜於大孤而天地鍾靈亦最顯著山下之田非常膏腴雖旱澇之年亦較常田倍收因此山土質精液最充不借雨露之力自能生長萬物也

五頂山 五峯聳峙頗爲壯觀山脈綿延至興城界內該界內之塋塚多採取此山之脈現柏家墳自明代

朝陽縣志

卷十二 山川

九

以來仍爲翳翳遐邇傳聞焉

玄羊山 爲羊山鎮之北壁南臨小凌河相傳唐將薛仁貴征高麗時曾駐焉數年前近山人鋤田曾得銅印一顆係高麗軍將之印山之得名非似玄羊實昔年樹木豐盛時曾有玄色之羊能以其角懸樹而眠也山上有泰山奶奶廟香火至今猶盛

大黑山 在縣東北距縣五十里俗名佛爺山李木匠溝之西大山也石色純黑故名黑山村人以其峯圓如首南面左右二石突出如乳下作大圓形如腹頗

似大肚彌勒佛坐狀故又名佛爺山焉頂中偏南有洞有口可下內凡三層下層有石門一入門可轉達於上因名曰穿心洞左乳之北有洞甚深相傳曾居老虎因名曰老虎洞入探莫窮其底其中極寒人懼弗敢入久爲水土淤灌近僅十餘丈耳穿心洞西爲平台廣可一頃中有古井一非數畦現有農民居焉在昔楊樹溝之煤窰即此山之北行脈也其南脈中落者爲空心塔山東南落者爲公主墳嶺東廻於李木匠溝溝口陡起如塔者爲塔子山

朝陽縣志

卷十二 山川

十

鏡子山 在楊樹溝娘娘廟之西南係佛爺洞北脈相距二里許突起高峯其山之陽有圓石大二十圍向前照而立如圓鏡於山坳其面光潔粉白雖不能照影較他石有殊山前有清泉冬夏不凍故名曰鏡子山

北南天門 在大黑山東北爲楊樹溝赴昆都簾蘿通衢兩山東西並峙而凹其中初僅鳥道通人而已及楊樹溝煤窰停閉村人始鑿通此路便赴北票載運煤炸往來異常峻隘名以天門狀其險也

窟窿山 當大黑山之中距城七十里山東西有漢蒙

二村皆以山名南臨凌河之濱水流岩下其上多天

然石洞大者三五內藏佛像甚多開保靈旗遠近者多遊其所奉佛像

於再上有小洞十數則山鶴所居也其下由東貫西

有錦朝鐵路所鑿山洞一已通徹行人恒取道焉山頂

縣人傳說有塔子今已不存

蜘蛛山 在縣東北距縣八十里後改名曰珍珠山

之陽有王墓三訪為初開府於土默特旗之主葬於

此者每年七月望諸台吉皆集此致祭迄今猶盛

朝陽縣志 卷十二 山川

十一

多木圖山 亦曰西官山土默特旗之牧場也距縣九

十里在蜘蛛山東山低而廣周約八十里溝澗紛歧

沿山而居之村甚多荒多可耕清光緒二十八年由

都統派員協同蒙員勘放近已鱗塍櫛比矣

雞冠子山 在多木圖山之中系由北票起伏南行至

抬頭溝村外忽昂其首狀若雄雞峯岩羅列若雞之

冠故名山後東面設有石廠下府大廟之石獅即此

廠之所出也當未設廠之先隣近諸村皆無一蠟後

為石工鑿破冠上石蠟因以出鄉人皆能道之

平頂山 與雞冠子山東西相望中隔抬頭溝村山水

一溪山頂甚平周可一頃相傳在先曾有人屯兵其

上今止有一井數畦與壁壘遺址

城子山 在蜘蛛山東距縣九十里山陽純石壁立餘

皆純土下視甚尖及登於上却甚平坦中凹作釜形

四周若城之垣故名石壁之南有合抱水冬官樹一

株上下求之皆不能及

黃鶻營子西山 在蜘蛛山之北分起於西東行至黃

鶻營子村西北突結三石峯南北排聳色黑中高當

朝陽縣志 卷十二 山川

十二

中北兩峯之坳建有蒙寺一所寺前起一漫圓土山

上有大榆樹一株蒙俗奉為神樹以是人無敢觸犯

犯之則病錦朝支路經此山下鐵路工人之衆無一

敢犯者

長塔山 在大凌河南距縣九十里為河南諸山之宗

其東為大小偏石磧子三寶營子大房身溝南為歇

皮溝西為巴突營子北為胡占溝四家子諸村山東

北石峯聳立若塔而山系最長故名山上殊平坦

鄉老云明常遇春胡大海未遇時嘗棲據此山至今

壁壘基址猶存

啦嗎洞山 當長塔山東北距縣一百十里山陽有蒙寺三楹寺後有石洞一大可兩楹高仞許洞底純石色青作釜底形滿貯泉水洞頂滴水其中聲清澈如銅洞外砌溝引水外出兩足則流至山下

朝陽寺山 爲啦嗎洞山南行之系距縣百二十里山前有廟曰朝陽寺村以廟名山體純石南面陡立而上平廣可二頃有城基故又名城子山東面有錦朝鐵路所鑿山洞一約半里車站在山南端護路警所

朝陽縣志 卷十二 山川

三

一 站曰朝陽寺

梨樹溝南嶺 長塔山東行之系也距縣九十里錦朝鐵路由義縣沿河北築經過此嶺開工鑿洞五年而工竣長三里車站警所皆在洞東站曰南嶺

大平山 當長塔山東北距縣百里山爲土石所結四周土山皆低此山獨高而平故名

南南天門山 當長塔山西北二山相距七里山高而上平東出一峯並峙中有小路可通行人以其險峻故以爲名山陽舊有廟宇已圯尙有基址可辨

四稜山 當長塔山北有青石嶺南與長塔山聯相距三里許四隅尖削故曰四稜

銳子山 在三寶營子村後二道溝村南距縣八十里山峯純石陡峭尖作三稜形遠視之若耕田之銳然率馬嶺 長塔山北系也嶺不甚高路殊狹隘中有小路以通東西僅容一騎行者至此皆須率馬而行相傳清高宗過此扈從無能騎者因留此號舍和明山 水泉子村之南山也距縣六十里山上有廟已圯僅存其基廟南有井碑無一字爲樵牧剗滅

朝陽縣志 卷十二 山川

古

不能考其所建年月鄉人云廟係姑子庵去今百餘載僅知其山名餘不詳焉

石廠山 在縣東大凌河北濱山南有村曰三官營子舊有石廠松樹營子廟豎三丈餘之石旗桿即此山所產之物也近已停工相傳其先上有石龜二日出其影入於袁姓之墓內廠開後龜失所在

駱駝山 當石廠山東北與四角坂村前之古城相對石峯上聳形如昂首之駝背生二石若駝峯焉母子山 長塔山東北行蜿蜒三十里至此而結中有

一山山頭漫圓四外小山環繞猶子圍母故名由此南行三里許有峯平地特起陡立如椎即尖山子桃花圖山 古稱脫園圖山距縣五十里孤山高聳惟我獨尊其色赤黑羣峯相抱上有廟宇相傳有狐仙跳神者多假託焉

平頂山 與桃花圖山南北相峙上有廟宇下有清泉相傳有狐仙住此

興隆溝山 距縣六十里山漫坡長無樹木有煤礦上有可耕處

朝陽縣志 卷十二 山川

五

岳家溝山 古名昭目今名南官山距縣九十里山不甚高而南北延長百餘里產煤甚富自山下建設北票通鐵路成巨鎮焉

尖山子 距北票三十里山石高聳上插雲霄雖無草木煤炸出焉

黑大山 距縣百餘里自西北蜿蜒而來台階起伏長約數百里橫亘朝建兩縣山勢陡絕其最高峯曰平頂山登臨一望九川在目二龍台川老寨川蒙古營子川東官營子川西官營子川白咬川召都巴川青

溝川四座塔溝川各川水均入大凌河土默特貝子之園陵在焉分東西二宮相傳爲公主墳有蒙奴看守

了頭山 距縣七十里三峯高聳又稱筆架山人傳上有鐵蒺藜並箭鏃盔甲鞍馬古有一姑娘曾占山爲王故名

鳳翅山 距縣九十里東南高西北低形似鳳翅登其巔龍城在望其西北隅有巨石一高丈餘上寬下窄其色黑似應立蒙語烏克齊老即此石也後人因此

朝陽縣志 卷十二 山川

六

以名其村

喇嘛山 鳳翅山之西有九龍山九道山岡貫九道川口登峯頂可望錦義其初有一喇嘛在此修煉成仙而去遺跡尙在故易九龍山爲今名

金廠溝梁 距縣百餘里朝建兩縣分界處也羣峭摩天怪石當道嘯聚者恒盤據於此殺人于貨行旅視爲畏途自前清道員徐潤創辦金礦通工惠商招工開鑿建房屋置機器因山形構造四圍大築羣牆顏其榜曰建朝金礦獲利甚厚有故而去接辦者籌畫

未精今歇業然商賈雲集立商會分局焉

臥佛洞山 距縣六十里峭壁懸崖中有古洞甚宏敞

石佛一橫臥其中不知來自何年無住僧近山有孟

姓者好行善因山構造大起樓臺招人住持以奉香

火佳花美木令人玩賞不忍去

龍潭寺山 距臥佛洞山二三里寺在山間雲氣繚繞

住持僧為貴族喇嘛不守清規香烟斷絕今則頽垣

敗址尚有可尋山下有水自石洞中湧出瑩然清澈

游魚泳躍因山有龍形故名

朝陽縣志 卷十二 山川

七

喇嘛洞山 距縣八十里必其先有喇嘛今不可考惟

絕頂有石洞牀竈尚有遺跡蓬蒿掩徑石壁間有鳥

迹蟲文不能辨其為隸為篆近山之民相傳木魚之

聲天陰則聞

八道河子山 亦名百山城南三十餘里延袤百餘里

大與凌源縣山相接此山每雲現恒雨

大勿藍山 距縣百九十餘里橫亘七區東北踰山而

北為八區界為阜新界高八里許周二十餘里山峯

排列其最高之峯俗稱曰金鑾殿相傳山多歐梨

生

經秋色紅漫山徧谷一

望無際蒙語謂紅曰勿藍土人遂沿此以名

棺材山 在大勿藍山之南相距可二十里山高四五

里巔為純石結成自下而上望之作古婦人所佩鳳

冠形自西南北三面而遠望之則山石西高東卑確

成棺形故名

蓮花山 距縣百八十餘里位於縣治之東北高可七

八里石峰層立望若已開之蓮花故名峯之東南面

石壁陡立約三四十丈下有石洞三曰乾洞無風亦

朝陽縣志 卷十二 山川

六

無水曰水洞水自洞頂下滴作鐘磬聲曰風洞入則

有風撲面深則風如雷鳴盛夏至此儼若深秋相

傳此洞與朝陽洞之洞相通昔有好事者曾墜白狗

於洞而閉之越三日由朝陽洞而出因謂兩洞相通

人多畏冷惜無能探之者山之西北有石峰數十仞

如人所披風帽又俗稱帽子山據承德府志言距縣

六十里當別有所考與此不同

尖山子 距蓮花山十餘里界於朝阜兩縣之交山純

石平地待起高可七八里由西望之卓如錐形入夜

視之無異鄱陽湖中之大孤山也若山東南兩面望
又如其轡之馬作欲奔狀止由北面可登其巔其陡
峭可知

大青山 距縣百八十餘里界於朝阜義三縣之間高
約二十餘里周可百里與大勿藍山蓮花山諸系劃
然中斷毫無所屬羣峰環拱氣象雄威冬夏皆作翠
色故有大青之號最中極高之峰東北面有石柱一
據登者言柱高三十餘丈大數十圍純石結成挺然
獨立無能登者自遠望之如塔自西面登約行八里

朝陽縣志 卷十二 山川

九

許爲石廡迤北於大壑之中遙見樹木蔚然中藏廟
宇即八稜碑也沿山而居者百餘村恃山而生者千
餘戶土田肥沃出產豐饒諸山悉無其比巍巍乎殆
我朝陽東北之鎮山也

梯子山 亦大青山系在縣東北由南大嶺南行十五
里經窰梨溝越南白子溝口即梯子山石壁西向直
立數仞平逾牆垣幾疑神工鬼斧山之東半有石稜
立長與石壁相若雙方益南益卑頗類梯形遂沿稱
之

朝陽縣志卷十三 山川二

平頂山 在南大嶺之北老窩舖大山南結之脈也凡
自北行赴義縣者必經其下高二里有奇土石相間
平若高台山多草木入夏望之碧潤而秀其西北面
有盤道可循以登約行里餘至山之中則見平峯廻
抱作圍屏狀下視萬木森碧中斜露寺角金碧相輝
即花輪寺也居此寺者皆黃衣僧

朝陽縣志 卷十三 山川

一

小塔子山 在平頂山北於平原之中突然而起半土
半石結成高三丈五六尺周二十四五丈平若几案
獨立無依上建一塔四周諸山悉回首相顧頗有衆
星拱北辰之象說者謂此係平頂山山尖一夜飛至
於此平頂山寺僧追尋得之恐其再飛遂築塔於上
以鎮之說雖無稽然左右度之頗相類
老窩舖大山 距縣百六十餘里土山戴石高六七里
昔多樹木以南有蒙古墳墓因禁樵採故極深蔚近
以墓主陵夷鮮人看護樵採無時遂如牛山濯濯然
矣其東出之系或起或伏則結爲太子山

太子山 高四里有奇石峯蟠結如古太子冠土人因以稱之自東遠望則如鞍狀故遠人又呼爲鞍子山石作蒼色危立如墜如倚勢頗崢嶸其北出之系若長蛇之忽昂其首則爲小尖山

小尖山 與大尖山南北相峙猶江心小孤山相望大孤山也高二里自尖山子溝村中望之孤峭卓立若無所屬羣峯環繞備極挺秀他處望之則否
歪脖子山 老窩舖大山西行之脈也蜿蜒數里率爲平阜至是忽結一巒石側立皆向東北壁立二十餘

朝陽縣志 卷十三 山川

二

丈遠視之如人欹首傾聽者然由是北行之脈益低岡陵交錯谷壑紛歧約六七里忽東向而起一峯即大尖山

大尖山 距縣百八十里有奇高五里周七里自近視之作人仰視狀石峯爲面爲冠左右兩巒如兩眉偏南山下起一漫圓山頭如支一膝左右度之無不酷似蕩然獨立適與小尖山相對一高一卑頗有提攜趨承之意遠視此山似低及登其巔遠近大小諸山悉出其下大黑山西列長垣大青山東樹高屏犄牛

河如帶如環諸村星羅棋布遊目騁懷備極遠觀之樂峯之東北相傳有古井一眼山非數畦近已填平但形相似耳山多草木每當雨餘青潤欲滴山鳥互鳴他山似皆遜之

十家子東官山 距縣百五十餘里北起下窰之南山南抵大凌河濱高雖不及大青山而廣袤過之山無特拔之峯率爲長嶺極高不過十里至六七里不等周百三四十里山路崎嶇僅容人騎通車大路甚鮮交通極感不便山多荆棘徧地叢生故歷年爲土匪

朝陽縣志 卷十三 山川

三

聚藏之所軍警稱爲畏途由松樹梁溝山路行八九里達十二岔溝大梁之巔則見岡陵鱗厓岩壑櫛比皆列目前下梁西行六七里路北旁有本旗貝子墓山多純土可耕向以封閉之故墾而耕者僅百分之一耳按此山環於西大勿藍山橫於東大青山界於南犄牛河繞於北爲縣之東北標識物信然
石佛山 更名雲摩山在縣正東九十里山頂平周圍約數百尺山巔有寺內供石佛座擁蓮花土人云明朝時山中挖出石佛經善士募化建修廟宇故名有